

Tichchikin Pwórous Mi Pesepes Fáán Pwúngún Ánnuk Pwún Epwe Pwápwáánó
CHÉÉN TAROPWE EPWE AMMASOW 35.1

[Ekkeei sókkun chéén taropwe epwe ammasow mi pesepes fáán pwúngún ánnuk aa nampaani C.R.C.P. 16.2(e)(2). Ekkeei sókkun chéén taropwe esapw ammasow me núkún chék iká epwe pesepes seni kapwúng pwe epwe ammasow fáán núrún annúk aa nampaani C.R.C.P. 16.2(e)(2).]

Tichchikin Pwórous Mi Pesepes Fáán Pwúngún Ánnuk Pwún Epwe Pwápwáánó. (Kopwe ammasowaanó ekkewe copy repwe pwan tongeni ekkewini ekkewe original. “Ekkewe semiriit” aa weewe ngeni ekkewe semiriit mi chiwen kúkkún neféongúúr (ieriir) seni rúpeek.)

Eew-me-eew peekin repwe awora:

(a) Wenecharen Pwórousan Tichchikin Mwoni Tonong. Epwe masowenó epwe pwan wor kapasen apwpwon ren wenecharen tichchikin fetáanin mwoni tonong wóón ewe taropween ammasow mi Mwumwuutá seni ewe Imwan Kapwúng pwún epwe makkenong nón (Taropween Ammasow aa nampaani 35.2).

(b) Taropween Income Tax (Ewe Mi Kaneto Úkúúkún 3 Ier Sia Kerán Tou Seni). Aa pesepes ómw kopwe uweiato noumw iká néún ómw ewe business income tax nón ekkewe 3 ier me mwan ómw kopwe uweianó ngeni kapwúng noumw ewe taropween tingór ngeni kapwúng epwe arongorong pwan wau pwúngún ewe kapwúng (petition) me ewe taropween tingór ngeni kapwúng epwe arongorong sefáán wóón ewe pwúngún kapwúng iká ke meefi nge mi mwáán met ewe aa fen kapwúngúnó (post-decree petition). Kopwe awora ngeni kapwúng taropween ifa ussun nónnómwun mwonien ómw ewe business. Ekkewe keangen mwoni tonong aa tongeni wewe ngeni W-2, 1099, me K-1. Nge iká pwún aa tori atun ammasow taropween tax nge kese mwo ammasow, inamwo nge kopwe chék awora noumw kewe taropween W-2, 1099, K-1 pwan affata fite úkúúkún mwoni kopwe ménaatiw pwún ómw takises. Iká pwún aa wesinó pwún aa kapwúngúnó met ewe pwúngún kapwúng, iwe kopwene chék wanong met ekkewe kese pachenong ee tapweto mwúrin ewe atun aa tawenó pwúngún ewe kapwúng.

(c) Nónnómwun Fetáanin Mwoni Tonong Ngonuk (Pwórousan Ekkewe 3 Ier Aa Keráán Nnó). Kopwe wanong meinisn taropween pwáaraatá úkúúkún mwoni tonong ngonuk ekkeei aa weewe ngeni ekkewe asset, niwinimang, me ekkewe niwinimang iká taropween tingór ómw kopwe loan noumw mwoni nón ekkewe 3 ier aa keráán chék nnó. Iká pwún nón ekkewe 3 ier aa keráán nnó nge aa tou pwúngún kapwúng, iwe kopwene chék wanó ekkewe taropween mwúritoon ekkena ier.

(d) Nónnómwun Fetáanin Mwoni Tonong Ngeni Ómw ewe Business (Pwórousan Ekkewe 3 Ier Aa Keráán Nnó). Ren meinisin ekkewe sókkun business ka eáni, kopwe awora ekkeei: taropween tichchikin fetáanin mwoni tonong ngeni ómw ewe business nón ekkewe 3 ier aa keráán nnó, tichchikin nónnómwun feffeitáán iká feffeittiwan mwoni tonong ngeni ewe business pwan taropween pwáaraatá nónnómwun fetáanin mwoni ngeni ewe business nón 2 ier tetteninó me mwan pwopwutáán ánnéan ekkewe 3 ier.

(e) Taropween Fénú iká (Real Estate). Kopwe awora taropween ién ee mmak wóón ekkewe fénú me ifa úkúúkún manawen ekkewe fénú mi nómw fáán itomw iká ewe business. Ekkeei weewe asan esapw pwan mwumwuutá epwe ffig mwúrin eán aa fen katou pwúngún ewe kapwúng.

(f) Ómw Niwinimang. Kopwe awora sakkopaaten taropween pwáaraatá kaúkún ómw kewe niwinimang. Kopwe pwan awora met mi kerán chék katou ngonuk epwe pwáaraatá fite chana nussun ómw ewe niwinimang epwe pwan affata ifa ussun ómw kopwe mémméeni sefááni ewe niwinimang. Ekkeei weewe asan esapw pwan mwumwuutá epwe ffig mwúrin eán aa fen katou pwúngún ewe kapwúng.

(g) Ekkewe Investment. Kopwe awora noumw ewe minaféén taropween pwáaraatá úkúúkún fite ewe mwoni ka invest-ini, mi tongeni epwe weweeiti met ka amanawa pwún noumw iká ómw ewe business. Ekkeei sókkun taropwe epwe pwan affata iká fite chana manawan.

(h) Tufich mi Etto Seni Ómw ewe Angaang. Kopwene aworaato taropween pwáaraatá epwe minafééto chék nge epwe pwan affata met kewe tufich kopwe angei seni ómw ewe angaang, iká retirement account iká ekkewe sakkopaaten sókkun stock. Ekkeei taropwe epwe pwan affata iká fite úkúúkún manawan eew me eew iir.

(i) Ekkewe Retirement Plan. Kopwe awora ekkewe minaféén taropween pwáaraatá ekkewe sakkopaaten retirement plan, epwe pwan mennapei met kewe sókkun Mennapen Áweewen eew-me-eew iir. Ekkeei weewe asan esapw pwan mwumwuutá epwe ffigis mwúrin eán aa fen katou pwúngún ewe kapwúng.

(j) Ekkewe Account Nón Bank/Financial Institution. Kopwene awora met ewe minaféén taropween pwáaraatá fite chana noumw mwoni mi isóis nón bank me pwan ekkewe financial institution. Ekkeei taropwe epwe pwáaraatá iká fite chana masowan eew-me-eew.

(k) Taropween Tichchikin Pwórousén Omw Mwoni Tonong. Kopwene awora ekkewe sakkopaaten tichchikin pwórousán nónnómwun fite chana ka angei nón ewe ier aa keráán chék nnó. Aa weewe ngeni ekkeei: mwoni tonong seni ómw ewe angaang, manawan met kewe ka amanawa, met kewe peekin áninnis mi kawor seni mwúún, met sókkun áninnis emén aa niffangeto remw, mwoni ka angei seni ekkewe trust, met ka wineni nón ewe angaange ammanawen mwoni, me pwan ekkewe ekkóóch peekin áninnis.

(l) Áninnisin Mwoni Ren Túmwúnún Noumw Kewe Semiriit Pwokiten Ómw Nnó Angaang me Pwan Nnó Sukuun. Kopwe awora taropween pwáaraatá iká fite chana een mi mééni ren túmwúnún noumw kewe semiriit pwún kopwe tongeni nnó angaang iká sukuun. Mi pwan tongeni weewe ngeni ekkewe taropwe epwe pesei pwún kese mwo angaang iká sukuun nge een mi kkút fetán ómw angaang iká ómw etinó sukuun.

(m) Taropween Insurance. Kopwe aworaato ekkewe sakkopaaten taropween pwáaraatá úkúúkún noumw ewe life, health, me property insurance. Ekkeei aa tongeni epwe annúkún eew-me-nein ekkewe insurance ren (ién epwe wisen ánemwiri) ekkewe sakkopaaten insurance, met ekkewe sókkun mettóóch ewe insurance epwe mééni, fite chana niwinin pwan inet pwan fáán fitu epwe wor kaméétiw wóón eew-me-eew ekkeei aa mmak asan.

(n) Tichchikin Ómw Kewe Mwoni Tou Fáánitan Ekkewe Semiriit. Iká pwún noumw ewe taropwe nge fáán ásengésin túmwúnún noumw ewe semiriit, iwe kopwene pwan affata fite chana een mi ónussaanó nón eew maram. Eei kinikin epwe chék fáánitan iká ke mééni ekkóóch eár repwe wisen túmwúnúúw ngonuk noumw ewe semiriit.

(o) Aa tongeni eán epwe ketiwenó ómw kosapw fééri ekkeei iká pwún ómw ewe tingór ngeni kapwúng nge aa fáánitan chék ién epwe wisen apwúngaano ekkewe memmeef fáánitan ewe semiriit iká pwan tingóren eán epwe kapwúngúnó kaúkún ómw kopwe churi noumw kewe semiriit.